



Մ ՈՒՐՐ Զ ԱԿՈՐ

ԱՌԱՋՆՈՐԴԱՆԻՍ ՄԱՅՐ ԵՒ ԿԵՂԵՅԻ



ԾՆՈՒԿԱԷՆ ԵՏԲ ԵՐԿՐՈՐԴ ԿԻՐԱԿԻ

27 ՅՈՒՆՈՒԱՐ 2019

Կիրակնօրեայ Ընթերցումներ	Էջ 1
Ողորմութեան Կանչ մը (1)	Էջ 2
Ծանուցումներ	Էջ 4

ԸՆԹԵՐՑՈՒՄ
ԵՍԱՅԻ ՄԱՐԳԱՐԷԻ ԳԻՐՔԷՆ
 (58.13-59.7)

Այսպէս կ'ըսէ Տէրը.- «Եթէ Շաբաթ օրը, իմ սուրբ օրս, հրաժարիս քու ցանկութիւններդ կատարելէ, եթէ Աստուծոյ նուիրուած Շաբաթ օրը ուրախարար ու նուիրական համարես, եթէ գայն պատուես՝ քու ընթացքդ փոխելով եւ թշնամական խօսքերէ հեռու մնալով, եւ յոյսդ Տիրոջ վրայ դնես, այն ատեն երկրի բարիքները պիտի պարգեւեմ քեզի եւ քեզի պիտի տամ այն ժառանգութիւնը որ քու հօրդ՝ Յակոբի խոստացայ: Ահա ես՝ Տէրս ըսի»:

Միթէ կը կարծէք թէ Տէրը ձեզ փրկելու կարողութիւնը չունի՞, կամ փակե՞ց իր ականջը, որպէսզի ձեզ չլսէ: Ո՛չ: Բայց ձեր մեղքերը պատճառ կ'ըլլան որ խրամատ բացուի ձեր եւ

Աստուծոյ միջեւ, այնպէս՝ ինչպէս ձեր անօրէնութիւններուն պատճառով Աստուած երես դարձուց եւ չողորմեցաւ ձեզի: Որովհետեւ ձեր ձեռքերը արիւնով պղծուած են եւ ձեր մատները՝ մեղքով. ձեր շրթները սուտ խօսեցան, ձեր լեզուները անիրաւութեան գործիք եղան: Չկայ մէկը որ արդարութիւնը պաշտպանէ. չկայ մէկը որ իրաւունքով դատ տեսնէ. դուք

ձեր շահերուն համար սուտերու կ'ապաւինիք եւ ուրիշները կը խաբէք. չարութիւն կը յղանաք եւ մեղք կը ծնանիք: Ձեր լարած դաւերը քարբերու հակիթներ են, որոնցմէ ուտել ուզողը մահ կը գտնէ, որովհետեւ իժ է անոնց մէջինը: Ձեր հիւսած դաւերը սարգի ոստայն են, որոնցմէ հագուստ չ'ըլլեր եւ բանի չեն ծառայեր: Դուք բնաւ չէք կրնար արդարանալ ձեր գործերով, որովհետեւ

ՊՕՂՈՍ ԱՌԱՔԵԱԼԻ
ՏԻՄՈԹԷՆՈՍԻՆ ԳՐԱԾ ԱՌԱՋԻՆ ՆԱՄԱԿԷՆ
 (4.12-5.10)

Հաւատացեալներուն օրինակ եղիր խօսքովդ, վարմունքովդ, սիրովդ, հաւատքովդ եւ մաքուր կենցաղովդ: Մինչեւ գալս հոգ տար իրենց՝ Աստուծոյ խօսքէն կարդալով, յորդորելով զիրենք եւ սորվեցնելով: Անփոյթ մի՛ գտնուիր այն շնորհքին նկատմամբ որ մարգարէական հոգիով քեզի տրուեցաւ, երբ երէցները ձեռք դրին քու վրայ: Այս ըսածներուն մասին խորհէ եւ գանոնք գործի վերածելու աշխատէ, որպէսզի ամէն մարդ յայտնապէս տեսնէ քու յառաջդիմութիւնդ: Ուշադիր եղիր թէ՛ դուն քեզի եւ թէ՛ սորվեցուցածիդ, եւ միշտ ալ այսպէս մնա՛, գիտնալով որ այդ ձեռով ո՛չ միայն ինքզինքդ կը փրկես, այլ նաեւ բոլոր քեզ լսողները:

Հաւատացեալ-ներուն օրինակ եղիր խօսքովդ, վարմունքովդ, սիրովդ, հաւատքովդ եւ մաքուր կենցաղովդ:

Երբեք խստութեամբ մի՛ յանդիմաներ ձեր մէկը, այլ մեղմութեամբ յորդորէ գայն, ինչպէս հօրդ պիտի ընէիր: Երիտասարդները եղբօրդ տեղը սեպէ, պառաւները՝ մօրդ, իսկ երիտասարդուհիները քրոջդ տեղը դիր եւ ամենայն մաքրութեամբ մօտեցիր անոնց: Պատուէ եւ խնամէ ա՛յն այրիները որոնք իսկապէս որբեւայրի են: Իսկ երբ այրի մը գաւակներ ու թոռներ ունի, պէտք է անոնք նային իրեն, որպէսզի սորվին բարեպաշտութիւնը նախ տան մէջ կիրարկել՝ ծնողներէն իրենց տրուած խնամքին փոխարէն հոգ տանելով անոնց, որովհետեւ Աստուծոյ համար ա՛յդ է իրաւ եւ ընդունելի բարեպաշտութիւնը: Իսկական այրին այն է՝ որ

... ձեր մեղքերը պատճառ կ'ըլլան որ խրամատ բացուի ձեր եւ Աստուծոյ միջեւ...

մէկը չունի, յոյսը միայն Աստուծոյ վրայ դրած է եւ գիշեր-ցերեկ աղօթքով ու խնդրանքով կ'անցընէ իր ժամանակը: Իսկ հանգստութիւն ու վայելք փնտռող այրին կենդանի մեռած մըն է արդէն: Այնպիսիներուն այս պատուէրները տուր որպէսզի անարատ ըլլան: Իսկ մէկը որ իրեններուն եւ մանաւանդ իր ընտանիքի անդամներուն հոգ չի տանիր, այնպիսին իր հաւատքը ուրացած մըն է, շատ աւելի գէշ՝ քան անհաւատ մը:

Այրի սեպէ միայն ա՛յն կիները որոնք վաթսուներ անց են, մէկ անգամ ամուսնացած, եւ բարի գործերով վկայուած են, այսինքն՝ զաւակներ մեծցուցած, հիւրասէր եղած, ճամբորդ հաւատացեալներուն խոնարհաբար ծառայած, նեղութեան մէջ եղողներուն օգնած, եւ իրենք զիրենք ամբողջութեամբ բարեգործութեան տուած են:

**ՅԻՍՈՒՍ ՔՐԻՍՏՈՍԻ ԱՒԵՏԱՐԱՆԷՆ
ԸՍՏ ՅՈՎՀԱՆՆԷՍԻ
(3.13-21)**

Մեր Տէր Յիսուս Քրիստոս կ'ըսէ.- «Ոչ ոք երկիրք ելաւ բացի մարդու Որդիէն, որ իջաւ երկիրքէն, ուր կը գտնուէր: Եւ ինչպէս որ Մովսէս պղնձեայ օձը բարձրացուց անապատին մէջ, նոյնպէս ալ պէտք է մարդու Որդին բարձրանայ, որպէսզի անոր հաւատացողը յաւիտենական կեանք ունենայ: Որովհետեւ Աստուած ա՛յնքան սիրեց աշխարհը, որ մինչեւ իսկ իր միածին Որդին տուաւ, որպէսզի անոր հաւատացողը չմեռնի, այլ յաւիտենական կեանք ունենայ: Որովհետեւ

Աստուած իր Որդին աշխարհ ղրկեց, ո՛չ թէ որպէսզի Որդին աշխարհը դատապարտէ, այլ որպէսզի աշխարհը փրկէ: Ով որ կը հաւատայ անոր՝ չի դատապարտուիր. իսկ ով որ չի հաւատար անոր, արդէն իսկ դատապարտուած է, Աստուծոյ միածին Որդիին չհաւատալուն համար:

«Եւ դատապարտութիւնը այս է. հակառակ անոր որ լոյսը աշխարհ եկաւ, մարդիկ խաւարը լոյսէն աւելի սիրեցին, որովհետեւ չարութիւն կը գործէին: Ով

որ չար գործ կը կատարէ, կ'ատէ լոյսը եւ լոյսին չի գար, որպէսզի իր գործերը չյայտնուին: Սակայն ով որ կը կատարէ ինչ որ ճշմարիտ է, լոյսին կու գայ, որպէսզի յայտնի ըլլայ թէ իր գործերը Աստուծոյ կամքին համաձայն գործուած են»:

... Աստուած ա՛յնքան սիրեց աշխարհը, որ մինչեւ իսկ իր միածին Որդին տուաւ, որպէսզի անոր հաւատացողը չմեռնի, այլ յաւիտենական կեանք ունենայ:



**ՈՂՈՐՄՈՒԹԵԱՆ ԿԱՆՉ ՄԸ
ԱՊՕՅՔՆԵՐ ԾԷՆՔՍԻՆ**

ՀԵՌՈՒԱՎ՝ ՀԷՆՐԻ ՆՈՒԸՆ

ԹԱՌԳԱՆԱՊԻՏԻՆ՝ ԿԱՐՕ ՄՐԿ. ՆՈՒՍՈՒՏԵԱՆԻ

**ԻՆՉՈՒՒ ԱՅՍ ԳՐՔԻ ԹԱՌԳՄԱՆՈՒԹԻՒՆԸ
Կարօ Մրկ. Նոխուսեան**

Նուրնի գրական հմայքը անոր ոճի եւ մօտեցման պարզութեան մէջ է: Ան ունի գործնական մտա-հոգւթիւն. փոխանցել ստացուած յոյսը այնպէս ինչպէս որ է՝ հարազատ իր ծագումին: Գիրքերուն նիւթերը, միշտ հոգեւոր, ջինջ յատկատեսութեամբ կը հասցնեն մեզ քրիստոնէական հիմունքներուն՝ եւ-ր իրեն յատուկ բալիդային խաղերուն մէջ բռնելով:

Մօտ 40 գիրքերու բեղուն գրիչ ունեցող այս հեղինակը, համբերութիւնն ու իմաստութիւնն ունեցած է 7 ամիսներ չարտադրելու, այլ օրական միայն աղօթք մը արձանագրելու այնպէս ինչպէս Ս. Հոգին ներշնչած է: Ներշնչուած այս աղօթքները հետագային ան հաւաքած է «ՈՂՈՐՄՈՒԹԵԱՆ ԿԱՆՉ ՄԸ. Աղօթքներ Ծէնքսին» գրքին մէջ:

Այս փոքրիկ հատորը իւրայատուկ տեղ կը գրաւէ Նուրնի գիրքերուն մէջ, ճիշդ այն պատճառաւ որ ան, ինչպէս կը բացատրէ իր Նախաբանին մէջ, տատանուած է գրելու մղումին առջեւ, վախնալով որ բառերը իր եւ Աստուծոյ միջեւ պատեր կը հիւսեն: Բայց յատկօրէն, անոնք, լռութեան ու վերհայեցող կեանքի որպէս արդիւնք, կը բխին արտի ներքին սենեակին մէջ Աստուծոյ կարօտէն, եւ Անոր հետ հանդիպումէն:

Մեծ յոյսով եմ որ այս աղօթքները հարազատօրէն պիտի ցոյցնեն հայ հաւատացեալին անբառ ասպրումները, եւ երկիրաժողովուն պիտի առջնան անոր հոգիին:

ՆԱԽԱԲԱՆ ՀԷՆՐԻ ՆՈՒՐՆ

1979-ի Փետրուարէն Օգոստոս, Թրափական (Trappist) վանականներուն հետ ապրեցայ Նիւ Եորք Նահանգի Ճէնրսի վանքին մէջ: Առաջին անգամը չէր որ անոնց հետ մնացի: 1974-ին արտօնութիւն առած էի անոնց հետ վանքին մէջ 7 ամիսներ ապրելու, եւ ցերեկ ու գիշեր անոնց հետ կեանքս բաժնելու: Այդ առաջին կեցութիւնը ամբողջութեամբ նոր փորձառութիւն մը դարձած էր: Նախօրօք երբեք չէի ապրած վերհայեցողական (contemplative) վանքի մը մէջ, եւ իւրաքանչիւր օր նոր անակնկալներով յղի էր: Պէտք էր որ վարժուէի առաւօտեան ժամը 2-ին արթննալ եւ երեկոյեան ժամը 7-ին քնանալ: Պէտք էր սորվէի ինչպէս տաք տապակներ գործածել փուռին մէջ, ինչպէս խճաքարեր հանել խաղողով լեցուն հնձանի մէջէն, եւ ինչպէս պատշաճ քարեր գտնել նոր եկեղեցիի կառուցման համար: Բայց ամենէն աւելին, պէտք էր որ ընտելանայի աղօթքի եւ խոկումի բազմաթիւ ժամերուն, եւ տեղւոյն համայնական կեանքի մանրամասնութիւններուն: Հակառակ անոր որ երբեք չծրագրեցի Թրափական վանական մը ըլլալ, վանքին մէջ այս կեցութիւնս ընծայարանական շրջանի կը նմանէր: Աբբային՝ Ճան Իւտ Պամպրերկրի անձնական առաջնորդութեամբ, այս 7 ամիսները դարձան իսկական հոգեւոր կազմաւորման շրջան: Ներքնապէս եւ արտաքնապէս այնքան բաներ պատահեցան, որ ուժեղ մղումը զգացի պահելու օրագիր՝ բազում նոր փորձառութիւններս դասաւորելու համար: Ապա, երբ ուսուցչութեան վերադարձայ, օրագրիս նօթերը ցոյց տուի ընկերներուս, եւ փորձառութիւններս ի յայտ եկան կարծածէս նուազ իւրայատուկ: Ճատեր պայքարներուս մէջ ճանչցած էին իրենց պայքարները: Այս յայտնաբերման հետեւեցաւ որոշումս՝ հրատարակելու «Ճէնրսիի Օրագիրը»:

Երկրորդ երկար կեցութիւնս վանքին մէջ շատ տարբեր էր: Նոր եւ զարմանալի ըլլալու տեղ, վանական կեանքը ակներեւօրէն ընտանի էր: Ամէն բան որ առաջին անգամ արտաստվոր գտած էի, այժմ սովորական տպաւորութիւն կը ձգէր: Ոչինչ փոխուած էր: Քանի մը ժամուան մէջ արդէն վերադարձած էի տաք տապակներուն, եւ Ուրբաթ առաւօտուն եղբայր Թէոտորը կը դիմաւորէր զիս խաղողի հնձանին քով,

այնպէս որ կարծես երբեք չէինք բաժնուած: Ներկայացման եւ ցուցմունքի պէտք չկար: Նոյն մարդիկը, նոյն վարմունքը, եւ նոյն ցնձալից հոգին դիմաւորեց զիս: Այս նոյնութիւնը նսեմ եւ ձանձրացուցիչ ոչինչ ունէր: Ընդհակառակը՝ ընտանութիւնը մարդոց, տեղերու եւ եղելութիւններու հետ թոյլ տուին շրջանցելու նախաբանները եւ ուշադրութիւնս ուղղելու կեցութեանս նպատակին, որ էր Աստուծոյ հետ ըլլալ՝ աղօթքի մէջ: Վանական կեանքի կշռութեան նոյնութիւնը երեւան հանեց սիրող Տիրոջ նոյնութիւնը: Ան կը սպասէր, որ վերադառնամ եւ աւելի ժամանակ անցընեմ Իր հետը, միայն Իր հետը: Այն վայրկեանէն, որ նորէն մտայ այժմ այնքան ընտելացած միջավայրիս մէջ, գիտակցեցայ թէ ոչինչ կրնար զիս հոն 6 ամիսներ պահել Տիրոջմէ՛ գատ: Այլեւս օրագրի պէտք չկար, վանական կեանքի առօրեայ անցուդարձերը կամ արբահօր հետ շարաթական հանդիպումներս արձանագրելու պէտք չկար: Անոնք անկարելի չէին դարձած: Այլ շնչելու չափ կարելի դարձած էին, ուստի այլեւս առօրեայ մեկնաբանութիւններու նիւթ չէին:

Գիտակցութիւնը, թէ աղօթքը միակ պատճառն էր վանք գտնուելուս ու մնալուս, յարուցանեց խնդիրը թէ լաւ կրթանք կրնայ ըլլալ օրական գոնէ մէկ աղօթք գրել: Սկիզբը այս միտքը բաւական անորոշութեամբ լեցուց զիս: Տիրոջս հետ յարաբերութիւնս շատ անձնական չէ՛, ուստի ինչո՞ւ թուղթի վրայ արտայայտել զայն: Մարդկային արտայայտութեան այս ամենասուրբ կերպը պէտք չէ՛ ինքնաբոլիս ըլլալ, եւ չըլլայ՝ ինքնագիտակցութեամբ տքնագին գրելու աշխատանք մը: Գրելը աղօթելու արարքը պիտի չդժուարացնէ՛: Թէեւ այս հարցումները շատ իրական էին ինձի համար, բայց չկասեցուցին հետեւիս ներիմացութեան (intuition), թէ օգտաշատ պիտի ըլլար ամէն օրուան վերջաւորութեան նստիլ ու պարզ բառերու յանձնել այն աղօթքը որ վայրկեանին ներկայ էր սրտիս մէջ: Կրթանքիս արդիւնքը այն աղօթքներն են, որոնց մէկ հաւաքածոն կը ներկայացնեմ այս գրքին մէջ: Ասիկա կ'ընեմ ոչ թէ որովհետեւ անոնք ռեւէ մէկուն աղօթել կը սորվեցնեն, կամ որովհետեւ աղօթքի մեթոտ մը կը ներկայացնեն, այլ որովհետեւ իրենց անճարակ անգորութեամբ կրնան մատնանշել Աստուածային Հոգիի իսկական եւ շատ հզօր

ներկայությամբ, որ մեզի խոստացուած է Տիրոջ կողմէ՝ որպէս անսխալական ուղեկ (guide): Ուրեմն, յոյս է, որ անոնք որոնք այս աղօթքներուն մէջ կը ճանչնան իրենց սրտերուն ճիշտը, պիտի նաեւ ճանչնան լուռ աղօթքը Աստուծոյ Հոգիին, իրենց իսկ կաղացող ու կակազող բառերուն ընդմէջէն:

(Շարունակելի 1)

ԱՅԵԼԵՅԷ՛Ք ԵԿԵՂԵՃՈՅՍ
ԴԻՄԱՏԵՏՐԻ ԷՁԸ

ԵՒ ՁԵՐ ՀՁԲԱՆՈՒԹԻՒՆԸ յԱՅՏԵՅԷՔ
(like).

www.facebook.com/SourpHagopChurchMontreal

ԱՅԵԼԵՅԷ՛Ք ԵՆԵՒ

Ս. ՅԱՎՈՒՔ ԱՌԱՋԱՆՈՐԴԱՆԻՍ ՄԱՅՐ
ԵԿԵՂԵՃՈՅ ԿԱՅԷՁԸ՝
www.sourphagop.net

ՀԻՒԱՆԴԱՆԵՐՈՒՄ ԱՅԵԼՈՒԹԻՒՄ
Բարեհաճեցէք հեռաձայնել
Արժ. Տ. Գառնիկ
Ա. Բինյ. Գոյունեանի.
514 909 5203 թիփն:

ՏՆՕՐՀՆԷՔ

Տնօրհներ փափաքող
ընտանիքները,
թող բարեհաճին դիմել
Տ. Գառնիկ Ա. Բինյ. Գոյունեանի,
հեռաձայնելով
514 909 5203 թիփն:

Այս Տարուայ
Ս. ՅԱՎՈՒՔ ՔԵՐԱԷՍԸ
ՏԵՂԻ ՊԻՏԻ ՈՒՆԵՆԱՂ
23-24-25 Օգոստոս 2019-ին՝
ՎԵՐԱՓՈՒՈՒՄ Ա. ԱՍՏՈՒԾԱԾՈՒ
ՏՕՒՆ ԵՎ ՁՈՐԴՊՈՂ ՀՁԲԱԹԱՎԵՐՁԸ

16-25 ՏԱՐԻՔԻ
ԵՐԻՏԱԱՐԴ-
ԵՐԻՏԱԱՐԴՊՈՒՀԻՆԵՐՈՒ ՀՁԱՐ
«ՆՈՐԱՎԱՆՔ» ԽԱՐԱԿ

26-40 ՏԱՐԻՔԻ ԵՐԻՏԱԱՐԴ-
ԵՐԻՏԱԱՐԴՊՈՒՀԻՆԵՐՈՒ ՀՁԱՐ
«ՆԱՐԵԿ» ԽԱՐԱԿ

ԱՍՏՈՒԾԱՀՈՒՆՉԻ
ՍԵՐՏՈՂՈՒԹԵԱՆ
ԵՐԻՏԱԱՐԴ
2 ԽՄԲԱԿՆԵՐ

Սերտողութիւնները կը
կատարուին հայերէնով,
Կիրակի առաւօտները՝
Եկեղեցոյս հոգաբարձութեան
ժողովասրահին մէջ:

Յատկեալ
մանրամասնութեանց համար
դիմել
Եկեղեցոյս դիւանատուն՝
514 331 5445 x202 թիփն,
կամ գրել
eglise@sourphagop.net
Ե-հասցէին